



PROCESVERBALI

Mbledhja e Këshillit Komunal për Siguri në Bashkësi (KKSBB) - Rahovec, e mbajtur më 06.06.2023, me fillim në ora 15:00. Mbledhjen e kryesoi Kryetari Komunes zt. Smajl Latifi. Për mbajtjen e mbledhjes kuorumi ekziston. **Kryetari** - Më lejoni t'i përshëndes anëtarët e KKSBB-së, përshëndes nënkryetarin e Komunës zt. Fatmir Iska, drejtorët e drejtorive, komandantin e stacionit të policisë në Rahovec, zt. Fazli Morina, përfaqësuesit e bashkësive fetare, përfaqësuesit e OSBE-së, UNMIK-ut, KFOR-it, LMT-së dhe mediat. Është mbledhja e tretë e rregullt për vitin 2023. Për këtë mbledhje propozoj këtë:

Rend Dite

1. Shqyrtimi dhe aprovimi i procesverbalit nga mbledhja e kaluar;
2. Vlerësimi i përgjithshëm i gjendjes së sigurisë në territorin e Komunës së Rahovecit;
 - Prishja e qetësisë publike nga lokalet e natës dhe personat e papërgjegjshëm;
 - Plani operativ për sezonin e pushimeve të mërgimtarëve dhe dasmave;
 - Rreth veprimeve dhe masave për luftimin e shkelësve të ligjit në Komunën e Rahovecit;
 - Mbrojtja e lumenjve që rrjedhin në territorin e Komunës së Rahovecit;
 - Siguria në trafik;
 - Siguria dhe kontrolli i produkteve ushqimore.
3. Identifikimi i çështjeve problematike që ndikojnë në sigurinë publike ndëretnike;
4. Të ndryshme.

Kryetari – Atëherë, a ka dikush ndonjë koment rreth rendit të ditës?... Nëse jo, atëherë po e vendosim në votim, kush është “për”?... Kundër?... Abstenim?... Konstatojmë që është miratuar me shumicë votash.

1. Shqyrtimi dhe aprovimi i procesverbalit nga mbledhja e kaluar;

Kryetari – A ka dikush ndonjë koment ose vërejtje rreth procesverbalit të mbledhjes së kaluar?... Nëse jo, atëherë po e vendosim në votim! Kush është “për”?... Me shumicë të votave, miratohet pika e parë e rendit të ditës.

2. Vlerësimi i përgjithshëm i gjendjes së sigurisë në territorin e Komunës së Rahovecit;

Kryetari – Për detaje do ta marrë fjalën komandanti i stacionit zt. Fazli Morina, por mund të konstatojmë që situata e sigurisë ndërmjet dy takimeve, ka vazhduar të jetë e qetë dhe stabile. I kemi edhe nënpikat e pikës së dytë për të cilat do të flasim në vazhdim.

Fazli Morina – I nderuar kryetar! Të nderuar anëtarë të KKSBB-së, LMT, OSBE, UNMIK-u (Pejë), drejtorë të drejtorive. Duke iu referuar të gjitha nënpikave të rendit të ditës që i potencoi kryetari, sipas raportit mujor e kemi bërë një përmbledhje të shkurtër. Gjatë kësaj kohe është implementuar një urdhër operativ në veri të vendit, katër plane operative, tri projekte për siguri në komunikacion dhe një projekt për parandalimin e dukurive të zjarrit. Gjatë kësaj periudhe janë regjistruar 60 raste vepra penale dhe 4 incidente jopenale, nga këto janë lëndime të rënda një rast, të lehta 5 raste, vjedhje 3 raste, vjedhje të rënda 11 raste, dhunë në familje 6 raste, substanca narkotike 1, keqtrajtim gjatë ushtrimit të detyrës zyrtare 2 raste, armëmbajtje pa leje 1 rast, nxitje të urrejtjes 1 rast, persona të

arrestuar 14, prej tyre në mbajtje janë 8. Urdhëresa të gjykatës 23 raste, aksidente me dëme materiale 14 raste. Te siguria në trafikun rrugor vazhdon lirimi i hapësirave publike nga automjetet e paregjistruara, të dëmtuara dhe të tjera. Për kundërvajtje në komunikacion rrugor janë shqiptuar 589 gjoba, 143 për parkingje joadekuate, 29 gjoba për vozitje pa patent-shofer dhe 13 gjoba për prishje të rendit dhe qetësisë publike. Sa i përket sigurisë në shkolla janë zhvilluar disa aktivitete dhe plane operative duke ndikuar në ngritjen e përgjithshme të sigurisë për nxënësit. Janë mbajtur ligjërata teorike dhe praktike për nxënësit e katër shkollave fillore, me temën: Sensibilizimi i pjesëmarrësve në komunikacion dhe parandalimi i aksidenteve me lëndime trupore dhe fatalitet. Në prezantimin e kësaj teme, janë përfshirë rreth 80 nxënës prej klasës 5 deri 8. Sa i përket incidenteve në shkolla, gjatë periudhës raportuese kanë ndodhur 4 raste, dy raste keqtrajtim gjatë ushtrimit të detyrave zyrtare dhe dy raste janë sulm. Në përjashtim të situatës pak shqetësuese që është në veri, në përgjithësi është e qetë dhe stabile. Një rast i nxitjes së urrejtjes ka ndodhur në lagjen e epërme dhe falë angazhimit të zyrtarëve policorë është arritur identifikimi dhe është bërë kallëzimi penal.

Përparim Krasniqi – Faleminderit kryetar! Përsëritet për të gjithë. Sa i përket nënpikës rreth mbrojtjes së lumenjve: Përrockat momentalisht janë në gjendje të mirë, përkundër asaj që kohëve të fundit kemi reshje. Në disa vendbanime jemi duke punuar, në disa tjera kemi ngecje për shkak të disa problemeve specifike që kanë ndodhur në mungesë të mbështetjes financiare nga ana e nivelit qendror (Ministria e Mjedisit).

Nora Boshnjaku – Faleminderit kryetar! Përsëritet për të gjithë. Sa i përket sigurisë së produkteve ushqimore, tanimë dihet që kontrollimi i produkteve ushqimore bëhet direkt nga inspektorët e AVUK-ut. Ne, në koordinim me ta, kemi ndërmarrë disa aksione të përbashkëta, kryesisht në sigurinë e produkteve ushqimore dhe në ndonjë mashtrim rreth çmimeve. Jemi në vazhdimësi afër qytetarëve tanë dhe nëse shihni ndonjë keqpërdorim, lajmërohuni te ne duke mos hezitur dhe ne do të veprojmë me kohë.

Shqip Shala – Komandant, faleminderit për raportin! Por, në fund nuk e ceket se për çfarë nxitje të urrejtjes në lagjen e epërme bëhet fjalë? Ju paragjykoj! Nëse është fjala për portretin, shkarravitja në fjalë nuk i është drejtuar asnjë serbi as të Rahovecit, as të Hoçës së Madhe dhe nuk do të ndikojë në marrëdhëniet ndëretnike. Shkarravitje i është drejtuar vetëm teniserit, që ka folur nëpër medime si ultra nationalist. Tjetër, për kontejnerin e larguar nga ajo lagje (lagja më e madhe në qytet), nuk është çështja nëse personi gjobitet 1 herë, 2 herë ose 5. zgjidhja është të kthehet kontejneri dhe t'i bëhet e qartë atij që trotuari nuk është pronë e tij.

Fadil Sylka – Përsëritet për të gjithë! Një pyetje për Norën: Në Viva Fresh kam hasur që çmimet e produkteve që hargjohen, nuk zëvendësohet por renditen produktet tjera në çmimet e njëjta. Konsumatori në momenti që shkon në arkë i del çmim tjetër, kjo sjellë konfuzitet.

Nysret Abazibra – Përsëritet kryetar, anëtarë të KKS-së. Çështja e parë që dëshiroj të flas është prishja e qetësisë publike. Mendoj që do të ishte më mirë që të çështja e muzikës të ndërmerret diçka, sepse gjatë tërë natës, (gjatë muajve të verës) prishja e qetësisë është diçka shqetësuese, sepse nëse dikush ka dasmë, tjerët kanë punë dhe duhet të pushojnë. Te siguria dhe kontrolli i produkteve ushqimore: Çështja e çmimeve mendoj që nuk është duke funksionuar si duhet, posaçërisht vendosja e çmimeve të pemët dhe perimet. Kjo është jousiguri për konsumatorët. Në lagjen lart përball varrezave ortodokse, gati më shumë se një vit është një prishje dhe qarkullojnë ujërat e zeza, mirë është të ndërmerri një hap për rregullimin e këtij problemi. Sa i përket ndriçimit në rastin e lagjes në shkollë, ende nuk është kryer! Sa i përket punimeve në qendër, punimet janë ndërprerë dhe ajo rrugë nuk është aftësuar as edhe minimalisht për kalimtarët. Mirë është që përkohësisht të shtrohet zhavorr në mënyrë që të jetë e kalueshme.

Nora Boshnjaku – Faleminderit kryetar! Fillimisht për Fadilin: Sa i përket çmimeve, nuk është rasti vetëm në VivaFresh, është edhe në ETC, SuperViva dhe ndoshta në secilin market në qytet. Për rastin konkret, ankesat e konsumatorëve i trajtojmë menjëherë. Në këtë rast inspektorët nuk i kontrollojnë vetëm çmimet por kanë edhe operime të tjera. Numrin e inspektorëve e kemi shumë të vogël, për këtë arsye është i nevojshëm bashkëpunimi me qytetarë, të lajmërohen çoftë edhe me një fotografi. Konsumatori.rks-gov.net ose në tel. 080011000. Me bindje të plotë e them që të gjitha ankesat deri më sot i kemi të trajtuara. Sa i përket zhurmës, konkretisht sezonës së dasmave, gastronomet duhet të pajisen me leje e cila ka të bëjë rreth lejitimit dhe matjes së zhurmës. E njëjta vlen edhe për pronarët e sallave të dasmave.

Përparim Krasniqi – Faleminderit kryetar! Hoxhë, faleminderit për pyetjet! Është e vërtetë që disa rrugë alternative janë të demoluara. Sidoqoftë ne jemi në fazën e lidhjes së kontratës për merimetimin e rrugëve, besoj që do t'i trajtojmë me kujdes ato rrugë që i përmende. Sa i përket punimeve në qendër, punimet nuk janë ndaluar asnjëherë,

